



DEO OPTIMO MAX.

UNI ET TRINO,

VIRGINI DEI-PARÆ, ET S. LUCEÆ,

Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS;

*manè discutienda, in Scholis Medicorum, die Jovis vigesima-octava  
mensis Novembris, anno Domini M. DCC. LXV.*

M. DAVID VASSE, Bibliothecæ Facultatis Præfector,

M. JOSEPHI DE JUSSIEU, Regiæ Scientiarum Academiæ  
Socii, vices gerente, Doctore Medico, Præside,

*An convulsionibus recens natorum vomitoria?*

I.



ITALES auras vix carpsit tenellus infans, cum hominis tyrocinia poni jubet ingruens malorum caterva; non erat laris, quod, dum è materno carcere erumperet, mortis undequaque laqueis premeretur; reverà quam variis, partus tempore, patuit insultibus novus orbis hospes; si iniquum obtinuerit situm, si perversa fuerit pelvis structura, si ob nimiam corporis molem arctior evaserit p. l. y. s. ejusdem apertura; si avulsæ ictu immaturo placenta radicula fuderint uberiorem sanguinis copiam; si ex rupturâ funiculi umbilicalis imminuerit lethalis hæmorrhagiæ periculum; si uterus recti sitûs immemor, ad latera, ad posticam, ad anticam partem nimis deflexerit; si prævius fuerit exitus seu funis umbilici, seu placenta; si convulsionibus correpta fuerit parturiens; has inter tragedias quot varii generis necês sætui quasi filo suspensæ, tenerum vitæ germen depascant, ni procellam instantem propulset peita obstetricantis manus: an tantis emptam periculis vitam recreabit benignior lucis usura? Ah tenore eodem evoluta decurrent nascentis avi stamina; & nondum ex uteri latebris omnino emerit infans, & jam querulo vagitu concessum manus accusat: dum enim ab aëris attractu, à vividâ luminis sonique impressione diversas patitur molestias; dum expansi pulmonum folles, sub insolito irruentis aëris pondere, sub novâ sanguinis transmittendi actione fatiscunt; dum circulatio à primis moribus, si fas

ita loqui, degener, suas mutat vices; dùm tremuli artus, irrequietis & ferè convulsivis jactationibus, aut laboranti machinæ condolere, aut excitandæ in tenui corpusculo mutationi, favere videntur; dùm nerveos intestinorum apices vellicat retentum mæconii onus, misellus infans, inter ejulatus, discit à doloribus præsentiorum exiitentiæ conscientiam mutuari: intereà voluit prudens Natura ut jejunium quadraginta aut sexaginta horarum has vitæ primitias quasi consecraret, si quidem exsucca ubera fugenti nullo modo respondent; erat igitur necessarium ut silerent ob maximam partem functiones naturales, dùm tacito veluti pede procedit functionum vitalium evolutio; simul atque lac in mammarum tubulos irreperit, citrà ullam noxæ metum, urgentem poterit infans famis stimulum retundere, nectareque vivifico sese proluere, blandis oculis ad grarum titillationis sensum subridente matre; sed ludunt me fabellæ! ubique adest nomen matris, nullibi officium. An dignitate maternâ cohonestandæ fœminæ, quibus sat est peperisse, sat per novem menses prolem gestasse, quæ nedum adblandienti vultu recens editam progeniem excipiant, nedum sanctissimum illam corporis fontem generis humani educatorem recludant, prolem, brevi, à complexu arcendam curant, conductitiasque, proh dedecus! mercantur mammæ quibus extrillabit lac variis fortasse morborum seminiis fœtum, quo degustato potabit infans longa diræ novercæ obliviam; sed proculcatis naturæ legibus, instabit ultrix pœna pede non claudo; & matres & natæ fœvis demeter istibus fors luctuosa; à genuino tramite lac aberrans, modo impete quasi factò, cerebrum, pulmonesque puerperarum impetet, præcipitesque detrudet ad orcum, modo per lamellas textus cellulosi subrepens, partes lentò morfu exedit; divulso à maternis uberibus non minorâ impendebunt pericula; plantulamingas, opimæ telluri commissam, quæ succis è nativo solo depromptis dives fronde fructuque luxuriat, hanc si telluri novæ inferas, jam pristinæ oblita formæ demitter caput, dabitque, marcescens, ventis ludibria; non aliter infanti, dùm venale lac fugit, suus abicit genarum decor, vanescit vividus ille sanitatis flos, celerique gradu properat tabes, quam insequitur morborum ilias; hinc tristes diarrhææ, enormes vomitus, ventris tormina, hinc convulsiones, dirum morbi genus, quo non crudelior alter, siquidem sæpè necem prius intulit quàm adolaverit ars salutaris. Ista convulsionum species, de quâ dicere animus est, intrà primum à natalibus annum adoritur, caputque maximè infestare solet; attamen prima in tractu intestinali scena agitur; intumescit venter moxque coarctatur, statimque membris paululum rigescentibus, musculos faciei invadit convulsio, subsultim ludunt labia, tremunt alæ narium, mirum in modum rotant oculi & vix tertia vice redibit convulsio, cùm mors jam prædam arripuerit; ferociæ hujus morbi debellandæ cùm minimè conducant remedia antispasmodica & alia ejusdem profapiæ, vomitoriolum usum, ratiocinio, analogiâ, experimentis fulti, confidenter proponimus.

#### I I.

**E**A est infantilis machinæ fabrica, ut exile ac tenerissimum sit fibrarum stamen, ut laxa corporis compages sero dissuat, pulsus sit frequens, acerque deprehendatur calor; ex delicatiori fibræ texturâ sequitur generis nervosi mobilitas, totius corporis vasorum systematis imbecillitas: statum hunc perpendiculari mirum ne videbitur, hinc tantam adesse in infanti arate ad convulsiones proclivitatem, hinc agmine frequentiori morbos à ferosâ colluvie occurrere; quoad functiones naturales eo se se habent modo, inrensi-  
or viget appetitus, chilosisque brevi absolvitur: attamen ob debilitatem

Vitium digestivum viciata semper remanet digestio, ingestorumque summa plus minusve in intemperiem acidam facit; hinc fit ut in primis viis apud infantes semper deliteat at fœda colluvies quæ sanguinis alveo immerfa, viscerum infarctus procreat: his generalioribus morborum infantilium causis suffragatur sedula observatio; nunc causas speciales ad trutinam revocare non abs re erit; quando materna ubera non duxit infans, colostro orbatu quo veluti blando medicamine, natura mæconii reliquias abstergere amat: hinc sæpe sæpius evenit ut residua pars, ob eam quæ pollet acrimoniam, sensiliores intestinorum fibras stimulet, stimulas distrahat, distractas ad nifus contractilis provocet, sicque dira ventris tormina, mox convulsiones gignat. Eosdem exeret effectus majori ingestum copia lac spissioris consistentiæ: refert Clariss. m. s. *Wanswieten*, se vidisse post mortem ventriculū adeo distentum ingenti caseosâ mole, ut mirum non fuerit lethales hinc ortas fuisse convulsiones; vomitus diu protracti, hospitis in primis viis saburra, lac vergens seu ad acidam seu ad alkalinam indolem convulsiones arcescent, præsertim si à parentibus hypochondriaci ortum repetat infans; ex memoratis convulsionum causis, lux forsitan, præxi medicæ affulgebit: jam ratio prius in varias nutans partes, stare dicit, jam arma cudit quibus victrix domito insultet h. sti; jam clara voce ad emeticorum usum veluti ad sacram salutis anchoram confugiendum esse clamat; reverà quānam arte ad certum componeretur ordinem præceptis ac irregularis fibrarum motus, nisi saburra, mediantibus vomitoriis, ritè expurgatâ, perpetuus contractionum inordinatarum stimulus avelleretur.

## T I I.

PER arduos Medicæ præceps calles, toties fulcris opus est, quoties è loco pes movendus; utque via tutior pateat, mille interroganda modis natura, seu ratiocinii, seu analogiæ, seu experimentorum ope; quoad ratiocinium, in hoc sapere usque ad sobrietatem congruum est; magnum quid audeant aliquando ii quibus faces subministravit analogia, sæpe successus mensura fuit eadem, quæ fuerat audaciæ; dum reputat secum illustrissimus *Carpus*, quasdam herpetum species mediantibus mercurii inunctionibus feliciter curari, aliundèque in memoriam revocat, teterrimam illam pestem fontes voluptatis atro inficientem veneno, præter numerosam accidentium quos invenit familiam, herpetibus aliquando cutim fœdare, analogicè concludit vim mercurii in eradicando herpete venereo non fore infirmiore, statim mercurium in usus vocat, palmamque hanc præripit ut primus reluctanti hydræ frænum injiciat, parerque necem; liceat & nobis ex analogia depromere rationem methodi quam ad domandas infantum convulsiones proponendam statimus; in convulsionibus adultorum, quoties genuina morbi causa in obscuris latet, usurpari emetica lex quasi sancita est; infantes dira torquet tussis cujus feritas eò magis crescit, quo largiori propinantur dosi olea, tussis hæc ut constat apud practicos melioris notæ, est mera ventriculi convulsio, & huic convulsioni tam prospero cedit onine emeticorum usus, ut totus curationis cardo in hoc volvatur. Cùm morbum hunc inter & convulsiones mox memoratas nullum aliud sere intercedat discrimen, nisi ratione loci affecti, plusquàm verisimile est eandem requiri medelam: sed novum illud ædificium, firmiori experientiæ basi adstruendum.

## I V.

PENDET ab experientiâ omnis in re medicâ certitudo; sed dùm quisque experientiam invocatur, contingit ut hanc detorqueat sæpè ad præconceptas opiniones, summopere igitur cavendum ne gliscat error, deque

jara fallax experientiae simulacrum; cum pluris me referat ut observationes mox memorandae omni labe vacare videantur, hic Clar. Petit testimonio gloriari me, praedicare liceat; eximius ille vir, nobis sancte asseveravit nullam, in curandis infantum convulsionibus, expectandam operam ab antispaemodiciis, siquidem ea multoties idoneo advocatus tempore, adhibuisset citra ullum successum; contra vero quoties, vix elapsis post primam convulsionem duodecim horis, accessit fuisse, spes numquam ab Ipecacuanha usu defuisse, innumerosque infantes imminenti mortis periculo sic ereptos, evasisse; varia protulit in medium exempla, ne longius excurram, placet huic sequenti duntaxat immorari; infans quatuor abhinc mensibus natus laborabat convulsionibus; jam triginta sex horae effluxerant, & infans morti proximus, deglutire jam non poterat; advolet opem laturus Clar. Petit, jubet injici clisma cui affusa fuisset vini emetici drachma una & semis: ut per quoddam tempus moras necceret clisma in intestinis, indusiorum operam occudi voluit; post unam circiter horam, ingentes in tractu intestinali turbae, cient vomitus enormes, sequitur copiosior alvi fluxus, fugatiffue convulsionibus, redit alma sanitas, si assensum ista non cogant, vix quidquam in rebus medicis pro certo tenendum.

V.

**N**E QUIS temere obijciat, in infantum affectibus, caute admodum cum emeticis esse mercandum; nonne apud infantes ex voto naturae adest vomitus, & facilius ad vomitum propensio? nonne propter delirescentem inprimis viis saburram, perpetuo ut ita dicam requiritur vomendi necessitas, aliunde mitiora tantum & refracta dosi usurpantur emetica, ut Ipecacuanha; sed cur nostros sistunt gressus inanes timorum umbrae? clara experientiae vox ab omni objectione vendicat certitudinem conclusionis.

*Ergo convulsionibus recens natorum vomitoria.*

#### DOMINI DOCTORES DISPUTATURI.

M. Alexand. Dion. DIENERT.

M. Jacob. Lud. ALLEAUME,  
Militis-junior Nosocomiorum ad  
Regis exercituum nuper Medicus.

M. Bartholomeus - Tuffanus LE  
CLERC, utriusque Pharmacie  
Professor designatus.

M. Carolus GEILLE DE  
SAINT-LEGER, apud  
Gallias & extraneos Equites  
Medicus Regis ordinarius.

M. Cl. Franc. GRANDCLAS,  
Eques, Stanislaus primi Poloniae  
Regis, Lublingia & Bar-  
oni Ducis Consiliarius Medicus  
& Regiorum exercituum à Con-  
siliis Medicus.

M. Ludovicus-Gabriel DUPRE,  
Serenissimi Principis Condé  
Consiliarius Medicus.

M. Antonius GARNIER.

M. Joannes - Franciscus - Clemens  
MORAND, Eques, & Regia  
Scientiarum Academia Parisien-  
si, Regii Medicorum Nanceia-  
norum Collegii socius honora-  
rius, Collegii Medicorum Lon-  
dinenfium Affector honorarius,  
nunc non in Regia Invalidarum  
domo Coadjutor Medici renun-  
ciatus.

M. Antonius PETIT, & Regia  
Scientiarum Academia.

Proponebat Parisiis PAULUS-GABRIEL LE PREUX, Parisinus;  
Saluberrimae Facultatis Medicinae Parisiensis Baccal. Theos. Auctor,  
A. R. S. H. 1765. A SEXTA AD MERIDIEM.

Typis QUILLAU, Facult. Parisiens. Medicinae Typog. via du Fouarre, 1765.